

## **Кон-геологик фаолияти назорати**

Ўзбекистон Республикаси Президентининг «Ўзбекистон Республикаси Давлат геология ва минерал ресурслар қўмитаси фаолиятини тубдан такомиллаштириш чора-тадбирлари тўғрисида» 2018 йил 1 мартағи ПҚ-3578-сон қарорига мувофиқ Ўзбекистон Республикаси Давлат геология ва минерал ресурслар қўмитаси ҳузурида Кон-геология фаолиятини назорат қилиш инспекцияси ташкил этилган.

Кон-геология фаолиятини назорат қилиш инспекциясининг асосий вазифалари қўйидагилардан иборат:

ер қаърини геологик ўрганишда ундан фойдаланиш ва муҳофаза қилиш, фойдали қазилмаларни (шу жумладан чучук, минерал, термал ва саноат ер ости сувларини) қазиб олиш, минерал хом ашёни қайта ишлаш, шунингдек, кон ишларини геология-маркшайдерлик таъминлаш борасида юридик ва жисмоний шахсларнинг қонун ҳужжатлари ҳамда норматив ҳужжатлар талабларига риоя этиши юзасидан давлат назоратини амалга ошириш;

Ўзбекистон Республикаси Давлат геология ва минерал ресурслар қўмитаси ҳузуридаги Фойдали қазилмалар захиралари бўйича давлат комиссиясининг фойдали қазилмалар захираларини тасдиқлашда қабул қилинган қарор ва хulosалари ер қаъридан фойдаланувчилар томонидан бажарилишини назорат қилиш;

минерал хом ашёни қазиб олиш ва қайта ишлашда фойдали қазилмаларнинг нормативдан ортиқча йўқотилишига йўл қўйилганлигини аниқлаш ва Ўзбекистон Республикасининг амалдаги қонун ҳужжатларига мувофиқ жавобгарлик чораларини кўриш.

ҳуқуқбузарликларнинг олдини олиш бўйича илғор услубларни жорий этиш, идоралараро ҳамкорликни янада ривожлантириш, ўз фаолиятида замонавий ахборот-коммуникация технологияларини кенг қўллаш;

фойдали қазилмалардан ноқонуний фойдаланиш аниқланган ҳолатлар бўйича тегишли ҳужжатларни расмийлаштириш, маркшайдерлик ишларини амалга оширган ҳолда етказилган зарар миқдорини аниқлаш;

аниқланган ҳуқуқбузарликлар ва уларнинг оқибатлари тўғрисида кенг жамоатчиликни хабардор қилиб бориш, соҳада ҳуқуқни қўллаш амалиёти ва қонун ҳужжатларини такомиллаштириш юзасидан таклифлар ишлаб чиқиш.